

قصة الحب عبر مواقع التواصل

الكاتبة دعاء قاسم محمد



المقدمة

أولا القصة غير واقعية كتبتها من خيالي.

لغرض التوعية وبيها كثير من الدروس والعبر

بالنسبة للدور البنية الي اسمها رنا بالقصة من خلالها جاي أنطيمك عبرة ودرس لا تتقون بأي شخص ولا تدرزون صوركم ولا تنجرون وري عواطفكم ولا تكسرون الي يحبوكم خليكم واعين وعند الثقة

أما دور مازن من خلاله العبرة والدرس هو ترى محد يفيدكم غير دراستكم وتطوركم وثقافتكم كل شخص يصيح يا روي الي يمشي بهل طريق الي مشى بي مازن أولاً سمعته - بالأرض ومراح يكون عائلة حالة حال الناس لان محد يقبل بهيج إنسان وثانيا يتلاحك من شرطة والأمن وإذا مانحكم مؤبد ينحكم كم سنة ويضيع شبابه بالسجن كله من ورة قلة وعي وطيش

بالنسبة للدور سهر ومنيرة فهنا أنطيمك درس عن علاقة الأخوات وشلون لازم وحدة تساند الثانية ومحنتهم وأيضا رغم كل أل مروا بي بس رب العالمين عوضهم كيف نقلهم من عائلة للعائلة

بالنسبة للدور علي وجلال فهنا أنطيمك عبرة عن الصديق لازم تعرفوا منو صديقكم وتختارون الصديق الجيد الي يكون بالمر وياك قبل الحلو

وبالنسبة للدور أهل مازن ف هاي توعية للبعض رجاء يا حضرات الأهالي أو المقبلين تكونون أهل انتبهوا ع تصرفاتكم تصرفوا بوعي خلوا عدكم ثقافة عقلية لا تخسرون أولادكم وتخلوهم بضياع

وبالنسبة لأهل على ورناف الدرس خلي الأم تكون صديقة بنتها وحتى لو تثق بيها لازم تابعها وتشاركها بكل امورها والأب خلي صديق ابنة ويكونون معهم ويصحون أخطاءهم

الشخص الذي لا يتعلم من الضربه الأولى يستحق الضربة الثانية

الكاتبة لهذه القصة دعاء قاسم محمد

الحب عبر مواقع التواصل

تعريف الشخصيات ✨👉

رنا /تاركة المدرسة عمري 18 عندي موبايل أهلي اشتروا وخلوني اتونس بي وما يفتشونه لانهم يثقون بية عندي اخوي علي عصبي وما يرضى بالموبايل بس اني مطمئنة لان أبوي قابل احس اخوي متخلف

مازن/اني طالب كسلان ما حب المدرسة صف ثالث متوسط وصارلي شكم سنة ارسب بس ميطلوني عمري 22 اشتريت جهاز وكت اضحك ع بنات وأتوسن واقضي وقت

سهر / طالبة جامعة مرحلة ثانية عمري 20 سنة عندي اخوي أسمة مازن وأختي منيرة اخوي واحد طايح حظة كلش (أجل القارئ) مهم اني وأختي ما راضين عن حياتنا أمة دائماً اتدفعلة وأبوي يتعارك ويا تعبنا كلش

علي / ممرض عمري 25 سنة عندي أختي اسمها رنا احبها وأخاف عليها من الهوى بس هيه متفهم هل شيء وفوكاها صار عدها موبايل أخاف واحد يجرها لو يضحك عليها غير تفتهم من خوفي عليها أتعارك وياها

عندي صديقي وحببي اسمه جلال يابه شحبه هو اكبر مني بسنة

منيرة/عمري 19 سنة عندي أخ أسمة مازن (ما يعجبني ابد هل ولد 🙄🔪) وأختي الحلوة اسمها سهر اكبر مني وهيه سندي بهل حياة أما أمة وي اخوي وأبوي يتعارك وكلها عرك وصياح ❤️

جلال / عمري 26 سنة اني صديق علي أحنا بالروح وحدة طلعاتنا وطباتنا سووه وهو من النوع الي يخاف ع أهلة وبالأخص أخته صاحب غيرة ع عرضة

اني ويا ممرضين وهو اصغر مني بسنة

أم رنا :- ماما رنا علي تعالوا اتغدوا

رنا:- أي ماما جاية

علي:- هسه جاي

ابو رنا:- هلا ببنتي هلا غاليتي

رنا:- هلا بابا

إم رنا:- لعد وابني تعال يايمة هلا بالغالي

علي:- بعد روعي العزيزة كعدنا اتغدينا ودك جهازي حبيب القلب جلال

جلال:- الو شلونك علاوي حبيبي

علي:- هلا بعد روعي شلونك

جلال:- وين ما وين

علي:- بالبيت

جلال:- شتقول نطلع

علي:- نطلع العصر

جلال:- تمام

رنا:- كمت لملمت البيت اني وأمي وصار العصر اخوي علي (المتخلف) كشيخ وطلع ع أساس

يطلع هو وصاحبة خلصت شغل ورحت سبحت وبدلت وكعدت ع فون

دخل الية ولد ع خاص أسمة مازن وكلامة معسول كلة (عمرى /حبي/ كلبى/ فدوة...) كتله شرايد

كال نرتبط اني وياج اني معجب باخلاقج وانى تعبان ومجروح وكلبى مكسور ومن هل حجي

استعطفني كتلة اوكي بس انى اخاف من اهلى لا يدرون كالى لا تخافين مدام انى وياج ومحد رح

يدري وهنا ارتبطنا

إم مازن:- وينججن سهر منيرة متجن كومن سون اكل لاخوجن جوعان

سهر:- هسه يوم

منيرة:- مايكوم هو يسوي شوفي كاعد كلة ع جهاز الله اعلم شيصخم

سهر:-منيرة اسكتي

ام سهر:-وطالع السانج يطايحت الحظ اليوم جيبني اليخلصج مني عينج ع اخوج ولج البنية الماعدها
أخ ما عدها سنة

سهر:-أمي كامت تحجي وصوتها عالي وهجمت ع منيرة تضربها وتجرها من شعرها واني افكها
عنها وماكدرلها وضربة الية وضربة للمنيرة

منيرة:- هاي كلة علمود واحد مو خوش ادمي انتي من يومج ماتحبينة الله يأخذ عمري

ام سهر:-واذا متي جن چلب(اجل القارئین) مات وخلص

منيرة تحجي ع مازن بصوت ناصي وتكول طايح الحظ... وتسمعها أمها

جان تجي أمها ومكافخ بيها ومايحسون الى ومنيرة مغمى عليها

بعد هاي العركة نقلوا منيرة للمستشفى ومد وياها غير أختها سهر تبجي عليها وأبوها العصبي الي
اخذ طريق كلة يحجي ويغلط

وصلوا المستشفى وجان نلكي ممرضين اجو يركضون النا واني كلت للممرض

سهر:-الله عليك سوي شيء اختي انقذوها أمانة الله ردها الية (كل كلامها تحجي وتبجي)

علي:-ما يصير شيء على اختج لا تخافين أهدأي وخليكم أقوياء

جلال:-علي صيح الدكتور لبين ما اسوي إسعافات الها

علي:-صار

جلال:-اجت بنية بعمر الورد بس مضروبة ضرب مال واحد حاقد وماعنده كلب سويتلها
الإسعافات وأجي الدكتور استلمها

سهر:- بخوف وبجي وتدعي لأختها ترجع الها

وأبوها طبعاً ما يسكت

والأم ما تسال

أما مازن صاد بنية وكدر يضحك عليها ترتبط بي ورح يبيلش بالطريق ويكضي وكت وياها
صارت منيرة زينة ويفرحت أختها بسلامتها

ومرة فترة وبهاي الفترة طورت العلاقة بين مازن ورنا ورونا صارت متعلقة ب مازن لدرجة
جبيرة

علي ملاحظ تغير تصرفات رنا وكال الها البنية تشيل سمعت أهلها أبوها اخوها وبعمرج لا تفكرين
تطخين بالكاع وراح عنها

بس طبعاً رنا مأخذ عقلها وغاسلة غسلة مازن

نجي لليوم الي مازن بلش يطلب من رنا طلبات

مازن:- هلا يروحي شلونج ام بيتي

رنا:-مشتاقتك حبيبي شلونك

مازن:- اذا مشتاقتلي خلي نصعد اتصال

رنا بتوتر:- لا يمعود

مازن:- بعد هل مدة واني رجال وعد حجايتي وحبيبيج وماعندج ثقة بية مع الأسف عليج

رنا:-مازن لا تزعل بالعكس عندي ثقة بيك

مازن:- لعد من شنو خايفة واني بضهرج

رنا:- مدري

مازن:-من تدرين عود نحجي ورسائل ماردا ارد بس ع اتصال

رنا:- مازن وينك تعال اسمعني ولكن مازن لا رد منة ع رسائل

وهنا تم اول اتصال بين مازن ورنا وكدر مازن يحقق الي يريده

حجوا كلام عادي باول اتصال ولكن رنا كانت خايفة ومازن وظيفته يحرفها ويغسل دماغها وانتهى
الاتصال علي:-جلال أخوك مو بجامعة.....

جلال:- أي وتدري حاب أروح للجامعة تعال وياي

علي:- ابشر واني هم ضايح وغير تصرفات اختي الي ما تعجبني

سهر:- منيرة لا تعبين نفسج بالتفكير تعالي امشي وياي للجامعة نغير جو

منيرة:- هيچ كولتج

سهر:- أي تعالي

منيرة:- يله نتحضر

سهر:- يله

راحوا البنات للجامعة

والشباب هم

علي وجلال سلموا ع اخو جلال ودخل للمحاضرات لان عنده امتحان وبقى جلال وعلي يفترون

أما سهر ف ضربت المحاضرة علمود أختها

وجان يلتقون هذولي الأربعة وجلال وعلي يتذكرون البنات

وسهر تذكرهم بس منيرة ما تذكرهم

جان يجون ع بنات ويكلولهم

جلال وعلي:- السلام عليكم

منيرة وسهر:- و عليكم السلام

جلال:- شلون منيرة شلون صحتج

منيرة:- عفوا منو أنت ومنين تعرفني!؟

سهر:- حبييتي منيرة هذولي الممرضين الي اسعفوج بوقت الي وكعتي

منيرة:- ها تمام لعد أشكركم

جلال وعلي:- هذا واجبنا ما سويينا شيء

علي وهو يوجه نضرة ل سهر:- بس كال شلون وبعده ما مكمل حجايته تباو علة جلال وهو يغامز

ف كال شلون صحتج 😊

سهر:- الحمد لله شكراً لكم

رنا:-ماكو فايذة خلاص اذا ما ذبحني اخوي اني انتحر

سهر:- رنا!!! كافي عاد انتي مو طفلة خليج قوية وبعد ما تتحل المشكلة اني رح ارزليج رزاييل أمج
مامرزلتج مثلي

منيرة أخذت الجهاز مني وحجت وياها

منيرة:-هلا رنا اني منيرة أخت سهر باعي رنا مو كل رجال رجال ولا كل شخص يوفي بكلامه
والرزالة مو بس من سهر رح تجيج حتى مني سجليني وي سهر صرنا ثنين نزل

رنا :-هلا بيج منيرة ولج اخوج ضحك عليه تعرفين شنو ضحكك عليه يا كسرتي الماتنجبر

منيرة:- لا تخافين بس نحل المشكلة ادخلج دروس بخصوص هل شيء عند اختي سهر 😊💔

رنا تكدرين نلتقي اني وياج و ويانا سهر وجيبي جهازج ماشي

رنا:- وين نلتقي وشلون ما توقع احد يقبل

منيرة :- ماكو غير حل اكو حجي ماينحجي ع جهاز افهميني

جلال أشر ل علي حتى يكل ل رنا تروح

و علي استلم وكال الها وهيه كالت الهم تمام وين نلتقي

سهر:- شتقولبن بجامعتي!؟

علي اشرا الها بمعنى أي و رنا كالت او كي وين جامعج

سهر بمكان ...

وهنا صدمت جلال و علي وعرفوا شكهم جاي يتأكدون منة وهيه نفس جامعة اخو جلال

اتفقوا ع مكان والوقت وانتهى الاتصال بس علي بعد مايتباوع ل رنا زعل منها لان كسرة كلبة

وطخت راسهم وهو مو صيها وماخذت وصيته

ورنا راحت تركض للغرفتها وتبجي وعرفت غلطها

أما جلال فهو كعد يواسي صاحبة وضلعة

والبنات اتفقن يرتبن الوضع ويخلصن رنا من أيد اخوهن

ام رنا:- شلونك يمة علاوي شبي وجهك اختك وين

علي :-الحمد لله مابية شيء اختي نايمه ابوي برة

ام رنا :-اي تسوك جابله كم غرض

علي:-لعد تطلع اساعدة طلعت وشفقة كتلة الله يساعداك بوية

ابو رنا:- ويساعداك وليدي تعال شيل هاي الغراض ويبي

علي:- اي بوية صار دخلنا الغراض وماخليتهم يرحون ل رنا لان اعرف نفسيها تعبانة ومكدر انطي بيها هاي اختي ونظر عيني

رنا:- بعد ماشفت وفهمت خوف علي عليه تندمت لان جنت فاهمة غلط بس عرفت نفسي بعد فوات الاوان وهسا علي خاطرة ثكيل عليه وهذاك الحقير عنده صوري واني واحجي وي نفسي جان يدك جهازي ويطلع مازن رديت عليه معصبة ونسيت كلام سهر من كالت الي لاتبيين الة شيء رديت معصبة كتلة انت ماتستحي بلا اخلاق الله لا يوفكك متخذ صوري تضحك عليه ونزلت عليه دوسة ونص وطلع ملعب من صدك وجر لساني وخلاني اكول اخواته يدرن واخوي سد جهاز بوجهي وبعد صدمة عرفت شصخمت وكعتهن بمشكلة الها اول ما الها اخر اوف ياربي اضل اني غيبية ركضت لغرفة اخوي علي وهو شافني دار وجهة عني  اني بدون مقدمات كتلة علي البنات الي جاي يساعداك انكشف امرهن لاهون ومادري شراح يصير وياهن كام هو مصدوم وكال

علي:- وشلون انكشف امرهن احجي كلشي بالتفصيل

رنا :- حجيتلة كلشي الي كتلة والي حجة ويبي مازن بس علي انطعن وجه احمر من شكلة خفت كلت راح يشرب من دمي وجان يكض اسنانة ويحجي بعصبية

علي:- انتي عندك عقلل صدك تحجين اذا هو صايح الله اعلم شراح يسوي بيهن فوك ماجاي يساعداك لو بنات غيرهن جان كالن شعلينا وماتدخلن بس خافن عليج من اخوهن وانتي هيحج تسوينن

رنا:- تبجي مادري والله بس جنت معصبة وانخت جنت مخلية ثقيني بي وطلع واحد بلا اخلاق طلع ماخذني للضحك وتبجي حالها يكسر خاطر

اجي علي وحظن اخته وكالها اسكتي لاتبجين بس انتي الغلطانة ترى

اتفقوا علي وجلال وورنا يرحون للجامعة والبنات جانن موجودات والصدمة من شافن الشباب وي
رنا عرفن الشباب والشباب عرفوهن وكالوا الهن هاي رنا والصدمة لمن علي كال هاي اختي
كعدوا بمكان هادي وبعيد عن الصوت ف الشباب كالوا للبنات احنا نعرف بكلشي احجن وفضنا هنا
البنات بلشن يحجن وي رنا كالن الها احنا كدرنا نهكر حساب اخونا وحجن الموضوع الها وكالن
الها صورج يتم حمايتهن اذا كدرنا نوصل لعد شخص بالامن ويخترق الحساب الي اخترقناة وجان
رنا تبجي ومنيرة وسهر يواسنها لاتخافين كلها محلولة وورنا تكلهن اسفة مجنت ادري اخوجن جر
الساني وعرف انتن تدرن وسهر انصدمت ومنيرة كامت تبجي وتذكرت لمن امها ضربتها كامت
تجبي بخوف وي سهر تكلها

منيرة:- سههرر اذا الام وحنينة ع اولادها هيح وصلت حالي هذاك اليوم لعد الاخ شيسوي وتبجي
وسهر مو اقل منها بس شسوي تجي تواسيها كالت الها اششش مايصير شيء عليح اذا يصير لازم
اني قبلج

كامت سهر بخذلان وكسر من ورة تصرف رنا انطتها الرقم والمعلومات وكالت الها اخذيهن لواحد
بالامن وماعليح شيء ولو تاخذيهن هسا افضل مع السلامة

كام علي كال الها سهر لاتخافين ميكر ياديج لا انتي ولا منيرة

جلال كال شحده اذا زلمة خلي يجي

بس طبعاً البنات يعرفن شنو منتظرهن ماردن وراحن

رجعن للبيت وجان يشوفن اخوهن وبيدة حزام وكاعد ع كرسي ويمه سچينة خافن اكثر لمن
شافن امهن ويا ومتصرفنة ايديها سهر ضمت اختها ورة ضرها وكالت الها بصوت ناصي
مايكدرون ياذونج الا يكتلوني ومنيرة تبجي وتكلها ماياذونج اذا ادوج يصير شيء ميعجبهم وصارن
بيجن بس دموعهن تنزل وهنة وساكتات

علي وجلال وورنا راحو لواحد من الامن وصارت وتمت الشغله بنجاح وبعد اي خطر ماعلى رنا
بس ضل بالهم يم البنات ومايعرفون عنوانهم

البنات كام اخوهن يجرهن ويضربهن بالحزام وبيدة وهنا يدفعنا والي تطلع من ايد اخوها تطيح ب
أيد امها طخت براسهن ينهزمن من البيت واقرب فرصة طخن امهن واخوهن وفتحن الباب
وانهزمن واخوهن وراهن وامهن بالكلام الموحوش وجان يركضن من شارع للشارع ومن مكان
لمكان مايعرف وين يروحن وهنا بنات وبوحدهن لكن مرة ومايدرن بيها ام رنا شافتهن كالت الهن
خالة شبيجن كعدن بيجن كالن الها خالة بس ضمينا ونحجيلج يردون يكتلونا كالت يلة تعالن ودخلت

ام رنا بالبنات ع ابو رنا وجانت رنا نايمه وعلي ماموجود ابو رنا تفاجئ كال منو هذني وشكو
شصاير وياهن عمو بيجن شيء سهر تتصنع القوة كالت الهم اني رح احجي السالفة للخالة لان
مكرر احجيتها الك كاملة احجيك المختصر وللخالة احجيلها تفصيل كال ماكو مشكلة كالت الة سهر
عمو اخونا يريد يكتلنا

ابو رنا:- كال الهن ليش

سهر:- لان خربنا علىة شغلة جان ماشي بطريق غلط واحنا خربناها والمصيبة امي ويا

ابو رنا:- ابوج وين مايسال عنة ماأدبة

سهر:- ابوي عصبي يجي للبيت يتعارك ويروح ومانعرف وين يروح وين يجي وكعدت تبجي
ومنيرة خايفة ومنهارة

ابو رنا وام رنا صدكوهن وكالوا الهن احنا اهلجن تعالن وطببتهن للبيت كعتدهن وجابت الهن
ملايس من بنتها سبحنوبلنا وعدلن حجابهن واجت ام رنا بالماي والعصير كعدت يمهن وسهر
ومنيرة حجن كلشي بالتفصيل لام رنا وهنا مايدرن هاي ام رنا ام رنا اتصلت بابنها وكالت الة تعال
عندي موضوع وياك بسررعة وجان هاي اول مرة ام رنا تعصب ع ابنها علي اجي علي
مستعجل وشفافة جلال كالة شبيك كالة امي معصبة ورايدنتي وراح بسرعة ركب سيارة للبيت
ووصل للبيت وهنا الصدمة من شاف البنات والبنات شافنة واحد صافن بوجه الثاني علي بصدمته:-
السلام عليكم

البنات:- وعليكم السلام

وجان تنزل رنا وتتصدم بيهن وهنا ينصدمن بيها وهنا عرفت سهر هذولة اهل رنا وعلي

سهر:- خالة اسمعيني

ام رنا وهية تقاطع سهر:- بسسس ولا كلمة ماسمع نفسجن تعالي رنا بسررعة

رنا اجت وهية خايفة وتقربت من امها وفجاءة علي يصير كدام رنا ويحاول يهدأ امة يكلها اول
شيء خليج هادية وخلي نفهم الموضوع

ام رنا:- يا حيف تربيتي بيكم هية تتمعشق وتحب وانت تغطي عليها واني مثل الاطرش بالزفة هية
هاي تربيتي بيكم هيح تجاوزن تعبيي هاي جزاتي

علي:- يابعد روعي يايمه واجة حضنها المشكلة انحلت ورننا بعد ماتعيدها

ام رنا:- شىضمن الك ماتعيدها هاءا مارضى عليج يا رنا

رنا:- وهية تبجي يمة لا الله عليج لا كلشي ولا انتي فدوه رحتلج

ام رنا:- اذا تحبيني ماتسوين هيچ

رنا:- يمه والله مادري انضحك عليه يايمة

ام رنا:- اذا ترديني ارضى عليج اسحب موبايل منج وماعندج اعراض ع اي شيء اكولة الحج
واضحح

رنا وهية تبجي ومكسورة لانها خسرت ثقتهم:-كالت اي هاهية الي يريحك

نسحب جهاز من رنا بنفس اللحظة

ام رنا:-يمة سهر منيرة اني هم امجن ولا تخافن اخوجن مايكدر الجن

سهر:-لاخالة تسلمين مانريد نزعكم مجرد نكضي الليل هنا والصبح طالعين وخالة اعذر منج
ومن اولادج مجنت ادري انتي امهم

ام رنا:- بلا هل كلام لا اكلج كتلة معدلة وهية تبتسم الهن انتن بناتي مثلجن مثل رنا اني هسا
اجيكم اخذوا راحتكم

اجى علي و رنا للسهر ومنيرة وكالوا الهن احجولنا شنو موضوعكم سهر بعدة بخاطرها من
تصرف رنا بس ما بينت الها كالت الها ماكو شيء سلامتج بس منيرة جانت منهارة كالت الها
ضضضربنا بالحزام جرونا من شعرنا سسسجينة يمممه جان ناويي يكتلنا سهر فدتني بروحها
انهزما منهم وتبجي وحظنت سهر وتكول الها

منيرة:- سهررر لانرجع الهم يكتلونا والله ماعدم رحمة

سهر:-اوووف اعالج روجي اعالج اش ولج هدمتي حيل فوك ما هو مهووم

كلام سهر جان كلام يوجع كلش

علي و رنا عرفوا الموضوع وكالوا الهن ماكو طلعة منا واخوجن اذا هو زلمة يجي مرة فترة واهل
سهر ومنيرة يدورن عليهن اما اخوهن يتشرن لان الامن يلحكة بعد ما عرفوا بسوالفة والبنات
خايفات وبعدهن موجودات ب بيت اهل رنا وغير كلام الناس (اكو ناس تحجي حجي محلو) شباب
يحبون البنات فكالوا بيها وعليها نتقدم الهن اجى علي لاهلة وكال لامة هو يحب ورايد سهر

وجلال راح لاهلة وكالهم زوجووني 😊

كالهم احب بنية واسمها منيرة والاهل كالوا عبركة الله نتقدم ويصير خير

اجت ام رنا وحتت وي سهر ومنيرة (جانن معجبات شوية بيهم بس مايبينن 😊) حاجاهن وكانن
نفكر فكرن كالن ماكو غير حل وخوش ناس بس لازم نكمل دراسة راحن لام رنا وحتن وياها كالن
الها مانلكي احسن منكم وانتم خوش ناس بس عدنا شرط واحد لاغيرة هو نكمل مسيرتنا العلمية
دراسة و وضيقة

كالت ام رنا اقول للشباب ونشوف وان شاءالله خير اني ما عندي اشكال بقت يم الشباب
كالت ل علي وكالت الة كول ل جلال وياك وعلي اتصل بجلال كلة

علي:-الو ها جلال شلونك شخبارك

جلال:- الحمد لله بعد روعي انت شلونك

علي:-اني وهذولاك الناس بخير الحمد لله 😊

جلال:-بطل سوالفك كول شنو ردهن علينا

علي:-كالن موافقات بس يردن يكملن دراستهن شتقول

جلال:-بلة انت عندك اشكال!؟

علي:- لا ما عندي اشكال و بنت كلبى الية ومن حقها تكمل دراستها

جلال:- واني هم خلي نتزوج كافي عزوبية ههه

يلة نرد موافقة بس لازم ناخذ موافقة عمامها ابوها اهلها لازم هيح

علي:-هو هذا المحيرني ومخوفني

جلال:-خايف عليهن من اهلن مو

علي:-اي

جلال:-تجيني اجيك ونكعد نطلع حل لهل موضوع

علي:- تعال انت 😊

جلال:- ولكك علي امشي نطلع للكافيتريا لاي مكان يلة

علي:- هاهية حبي (عود يقلد) نطلع 😊

جلال:-بسيطة بسيطة 😊

طلعوا الشباب وحجوا وهمة يتمشون واخذولهم فترة يدورن ع معلومات عن اهلن
ولكوا معلومات عن واحد من عماد البنات وعلساس هو زين ومتفهم ويحب بنات اخوه
راحو الة وحجوا ويا وكالهم اني اسأل عنكم يالة انطيكم وجيبهم النا
رجعوا وهمة شبيهه فرحانين بهل خبر لكوا البنات موجودات بالاستقبال كاعدات وام رنا وورنا
ماموجودات

حجوا

جلال و علي:-السلام عليكم

سهر ومنيرة:-وعليكم

علي:-وين امي رنا شو ماكو

سهر:- صارت عدهم شغلة وطلعوا

علي طابير ب سهر لان حتى من يحجي وياها ترد عليه بادب ومنزلة راسها

جلال بصوت ناصي شلونج منيرة

علي سمعة ومنيرة خجلت ترد عليه كام علي حجة بصوت عالي

علي:- منيرررة جلال يكول شلونج غير بالة يمج 😊

منيرة:- الحمد لله

جلال :- علي ماتبطلللل سوافك مو لاتخليني اكفر بيك

علي:- هسا اني شحاجي هية بس هاي الحجاية

جلال:- اني اروح احسنن

علي:- لا والحمزة ماتروح تعال نكعد

جلال:- اكد وياك بهذا كلامك كدام الخلك

علي:- لاتصير خجول زيادة شبيك

البنات سحن انفسهن وراحن افلت اخوي عامر 😊

وبلشوا الشباب يحجون ويضحكون واجت ام رنا وورنا وابو رنا

ام وابو و رنا:- السلام عليكم

الشباب:- و عليكم السلام

علي:- همزين اجيتوا جنا منتظريكم

الاهل:- خير ان شاءالله

علي:- صيحي البنات هم

رنا:- تمام رحنت صحت البنات واجيت ردت اطلع اشو علي كال تعاي اكددي يمي بعد هل بعد اجي

وكالي تعالي يمي ياروح اختك رحنت يمة

علي:- سهر منيرة

سهر ومنيرة:- نعم

علي:- اني وجلال رحنا لعمجن (فلان) وحسب ما عرفنا هو خوش احسن من الباقيين صحيح هل

حجي لو لا؟

منيرة تبجي وتضحك:- خلي سهر تكول اني مكدربعد حتى احجي 🤔❤️

سهر ودموعها تجري ولكن تتصنع القوة:- اي عمي هذا احسن عمامي بس مرت عمي متحبنا لهذا

هو بجهة والباقيين بجهة

جلال وعلي:- احنا مانرجعجن تبقت هناك احنا نرجعجن حتى نطلبجن ويتم ونجيبجن ع بيوتجن)

يحجونها وهمة فرحانين) هيح الاصول

سهر ومنيرة وهنة خجلانات مانعرف بعد

علي:- بوية يمة انتم شتكلون

ام رنا:- اي يرحن بس بشرط

الكل:- شنو هل شرط

ام رنا:- من بعد اذن ابو رنا اني اروح وياهن ماكدر أمن عليهن مدام اكو من يكرهن نبقى هناك اسبوع وانتم تكملون كلشي خلال هذا الاسبوع واضح

ابو رنا:- كلامج زينة العقل بس اني شيصبرني اسبوع

كلها ضحكت

كالوا لعد هسا ماتروchon اخذوا اسبوع يحضرون بيبيعد ماجهزوا

ودوا البنات وام رنا لبيت عمهن

الشباب:- السلام عليكم

العم والموجودين:- و عليكم السلام

هلا بنات اخوي تعالن بعد عمجن شلونجن وهو يبوسهم

البنات:- هلا عمي شلونك احنة بخير

(سهر انتبهت لنظرات علي عيونة بكصتة طلع يغار ابتسمت و وخرت عن عمها)

عم البنات:- تفضلوا تفضلوا

علي وابو رنا:- احنا نترخص هاي بنات ويمهن ام رنا بعد بامانتكم

العم:- طبعاً اني سئلت عن سمعتكم وطلعت سمعة طيبة وتعالوا ومايكون خاطركم الا طيب

علي وابو رنا:- ونعم منك ياطيب مع السلامه

العم:- في أمان الله

دخلن البنات وام رنا للغرفة لكوها مفرغيهن الهن كعدن ومرت عمهن ترحب من ورة خشمها

ام جلال واخنة وجابت وياها رنا واجوا ع بيت عم سهر ومنيرة ومناك موجودة ام رنا حتى

يطلبوهن رسميا

طلبوهن والبنات موافقات ورننا فرحانة واخت جلال فرحانة ازوجوا الشباب من البنات ورننا

انخطبت لابن عمها طلع يحبها 😊

اخذوا البنات يجهزون ويحضرون لزواج رنا

*رنا ما اخذت تليفونها من يوم الي انسحب منها بعد مالزمت تليفون

ام رنا وابو رنا كلبهم نار لان بنتهم حتطلع من بيتهم وطبعاً اخوها علي كل مايشوفها يحظنها
وييجي ويكلها خلاص راح تزوجين وسهر تجي تهدي وتكلة كول الله يسعدها

مرت الايام بكل تفاصيلها وازوجت رنا ابن عمها اسمة أحمد

الحياة مو خالية من المشاكل ولكن تحتاج قوة وشجاعة تواجهه لاتوكل نفسك بالغلط أبداً وان
وكعت صح هل غلط لان تغلط مرة تدفع الثمن الف مرة

انتهت قصتنا واتمنى تكون حلوة

الكاتبة دعاء قاسم محمد